

Tuhaqtidjutikhaq

Ikayuuhiakhanut ihivriuqhijutikhanik– nunagiyauyut ilautquyauyut

IQALUIT, Nunavut (Apitilirvia11, 2015) –Havagviat Inuuhiiliqiyikkuni and Pivalliyuliqiyikkut Ingilrayuliqikkullu pinahualiktait pitquyauhimayut kavamatkut pinahuaqtainik katimaplailutik inungnik ilaupkailutik tamaini Nunavunmi nunalaani ihuaqhaidjutikhanik qanuriliurutikhamingni Ikayuuhiakhanut ihuakhiumiqtirilutik ilihautikhanik ayuikhavikhaniklu, havaakhanun pivalliadjutikhanik, havaakhanik maniliurutikhaniklu pivallianikkut.

“Tadja, 45 pusantiuyut Nunavunmiut tuniyauvaktut ikayuuhiaqtaqpaktut, imatut aktigiyumik \$40 millian ukiuq tamaat,” uqaqtuq Minista Inuuhiiliqiyikkut Jeannie Ugyuk. “Tikittumayait hapkunani katimapkaiyuni havaqatigilugit nunalingni naunaikhidjutikhainik Ikayuuhia Khanut ihuatqiyamik ikayuutikhanik Nunavunmiut ayuikhayaktuqpalirumik ilihagtakhanut havaakhanunlu hailiyunut ayuikhavalirumik.”

Kavamatkut Nunavut pivallialiqtut pinahuaqtamingnik talvani Sivumut Abluqta ihivriukhilutik Ikayuuharnikkut piyamingnik ikayuqtaulluaqtukhat ikayuqtauvagianginik, pivalliadjutikhaniklu pivalliriangini hivuniringnaqtumik tamainut inungnut. Hamna pinahuaqtaqqut ilauyuq atani tukliani hivulliutiyaqhanut inuuhiringnaqtumik ilagiiktuni hakurikkamik akhuuqpiaghutiklu nunalaanut.

Katimapkaidjutit ikayuutauhunguyut pivalliadjutikhanut uuktuutikhanik havaakhaqnaqtumik nunalaani.

“Kavamatkut Nunavut kangikhiyumayut tadsa maniliurutikhanik hakkuriutikhainik qanuqtutlu amigaigyumidjutikhainik havaakhaniutikhanik pivalliadjutikhaniklu tamaini nunalaani,” uqaqtuq Minista Pivalliyuliqiyikkut Ingilrayuliqikkullu Monica Ell. “Una nunagiyauyut ilautquyauyut naunaikhitiginiaktavut kiudjutainit qanuqtut ihuaghiyumiutikhainik pinahuarutiptionik.”

Allaluttauq tikinnahuaqtakhaqqut naunaiklugit qanuqtut Nunavunmiut hanaqidjutikhainik qanuqtut avikturniani maniliurutikhanik.

Ilangit pinahuagtakhavut naunaiktauhimayut inungnit katimayunit ilauyut:

- Ithumagiyaayut qanuriliurutikhatlu allangutikhainik Ikayuuharnikkut ikayuutikhanik imikkuliutikhainiklu.

-
- Nunani avikturnianillu uqaqatigiikpautainik havaakhainik Ikayuuhiaktiliqiyit nunaptingni.
- Nunani avikturnianillu uqaqatigiikpautainik qanuqtut uuktuutikhainik inulramiit ilihariaqpakkumik ayuikhayakhanut hailiyunut.
- Naunaiklugit turraagvikhangit hapkuat ikayuuhiaarnikkut havaakhanun pivalliadjutikhanik pinahuarutit.
- Kangiqhivalliadjutikhanik ayuqhautauvaktunut taimaaqtirnahuarutikhanik ikayuuhiaqpaktunut.
- Nunani uqautigilugit pivalliadjutikhat hakurikniqaqtut hailiyutlu

Katimapkailikhunguyut Apitilirvia inirniarutimingnut ukiakhamut. Naunaikhilutik inungnut qakugu nunaptingni katimapkaivikhanik, takulugu <http://gov.nu.ca/ilagiit-pivikhaqautikhanik/tiuhagtakhanik/nunani-katimapkaiyunik-ikayuuhiaarnikkut>.

###

Tuhaqtipkainikkut Uqaqatikhaq:

Sara Tufts
Atugakhanik Naunaiyaiyi
Havagviat Inuuhiqiyikkuni
867-975-5201
stufts@gov.nu.ca

Matthew Illaszewicz
Atannguyaq, Tuhatipkainikkut
Pivalliyuliyikkut Ingilrayuliyikkullu
867-975-7818
millaszewicz@gov.nu.ca

ᐱᓕᓕᓕᓕᓕ ᐅᐱᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕ, ᓕᓕᓕᓕᓕᓕᓕᓕ, ᐱᓕᓕᓕᓕᓕᓕᓕᓕ ᐅᐱᓕᓕᓕᓕᓕᓕ ᐅᓕᓕ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.